

ხელშეკრულება სახელმწიფო შესყიდვის შესახებ №0104/02

გამარტივებული შესყიდვა

სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანების მე-3 მუხლის „დ“ პუნქტის შესაბამისად.

(საქართველოს მთავრობის 2021 წლის 20 დეკემბრის N2273 განკარგულება)

SMP210003332

CPV – 15300000

ქ. თბილისი

01 აპრილი 2022 წელი

„შემსყიდველი“ - შპს „სახელმწიფო კვებითი უზრუნველყოფა“, წარმოდგენილი მისი დირექტორის ალექსი ზანდარაშვილის სახით;

მისამართი: იურიდიული: ქ. თბილისი, ჭანტურიას ქ. #12, ფაქტიური: ქ. თბილისი, თემქა მე-9 კვ;

საიდენტიფიკაციო კოდი: 404482537;

ტელეფონი: 2 200 122;

საბანკო რეკვიზიტები: სს „თი ბი სი ბანკი“, ბანკის კოდი - TBCBGE22, ა/ა GE58TB 7353 4360 8010 0004.

„მიმწოდებელი“ - შპს „ჯი-ეს“ - წარმოდგენილი მისი დირექტორის პაატა შენგელიას სახით;

მისამართი: საქართველო, ქ. თბილისის, ვაკე-საბურთალოს რაიონში, ალ. ყაზბეგის გამზ., № 47, ბ. 1;

საიდენტიფიკაციო კოდი: 404894405;

ტელეფონი: 574172288;

საბანკო რეკვიზიტები: სს „საქართველოს ბანკი“, ბანკის კოდი - BAGAGE22, ა/ა GE02BG 0000 0005 3360 3788.

1. ხელშეკრულების საგანი

1.1. წინამდებარე ხელშეკრულების შესაბამისად მიმწოდებელი ვალდებულია შემსყიდველს მიაწოდოს დანართი №1-ში აღნიშნული ფრი (გაყინული) (შემდგომში - საქონელი) შემსყიდველისათვის საჭირო რაოდენობითა და ამ ხელშეკრულებით განსაზღვრული წესით, ხოლო მიმწოდებელი ვალდებულია ხელშეკრულებით განსაზღვრული წესით და ვადებში მიიღოს საქონელი და გადაიხადოს მისი ღირებულება.

1.2. მიმწოდებელი ვალდებულია შემსყიდველს მიაწოდოს საქონელი წინამდებარე ხელშეკრულების დანართი #1-ით განსაზღვრულ ვადაში და ადგილზე.

1.3. ხელშეკრულების ღირებულება შეადგენს 3 430 (სამი ათას ოთხას ოცდაათი) ლარს დღგ-ს ჩათვლით (დანართი #1).

1.4. საქონლის ფასი მითითებულია დანართ #1-ში და მოიცავს დანიშნულების ადგილამდე (ობიექტამდე) ტრანსპორტირების ხარჯებსა და საქართველოს კანონმდებლობით დადგენილ ყველა გადასახადს.

2. საქონლის შესაბამისობის შესახებ

მიმწოდებლის მიერ მისაწოდებელი საქონლის ხარისხი, სტანდარტები, ძირითადი მახასიათებლები და სხვა პარამეტრები უნდა შეესაბამებოდეს „მიმწოდებლის“ მიერ შემოთავაზებულ პირობებს.

3. მხარეთა უფლებამოსილებებისა და მოვალეობების შესახებ

3.1. წინამდებარე ხელშეკრულებით, მიმწოდებელი ვალდებულია საქონელი მიაწოდოს შემსყიდველს ხელშეკრულებითა და დანართი #1-ით განსაზღვრული წესით, წინამდებარე ხელშეკრულების დანართი #1-ით განსაზღვრული რაოდენობით, ხოლო შემსყიდველი ვალდებულია მიიღოს საქონელი და მოახდინოს მიმწოდებელთან ანგარიშსწორება ხელშეკრულებით გათვალისწინებული პირობებით.

3.2. შემსყიდველი ვალდებულია მიიღოს საქონელი, მიღების მომენტში შეამოწმოს საქონლის ხარისხი, რაოდენობა და გარეგანი იერსახე.

3.3. შემსყიდველი ვალდებულია მიმწოდებელს აუნაზღაუროს მიწოდებული საქონლის ღირებულება ამ ხელშეკრულების მე-6 მუხლის შესაბამისად.

3.4. მხარეები ვალდებულნი არიან ხელშეკრულების ურთიერთობიდან გამომდინარე უზრუნველყონ ინფორმაციის კონფიდენციალობის დაცვა, რაც გულისხმობს მათთვის ვალდებულებათა შესრულების შედეგად ცნობილი ინფორმაციის (ტექნოლოგიური ხასიათის საკითხები, საქმიანობის დეტალები, კომპანიის კონტრაგენტების ვინაობა, სქემები, და სხვა) გამჟღავნების დაუშვებლობას მესამე პირებისათვის.

3.4.1 ხარისხის დადგენილ სტანდარტებთან შესაბამისობის განსაზღვრის მიზნით, შემსყიდველი ორგანიზაცია უფლებამოსილია, ხელშეკრულების მოქმედების განმავლობაში არაუმეტეს ერთჯერ განახორციელოს საქონლის ნიმუშის აღება და სსიპ „ლევან სამხარაულის სახელობის სასამართლო ექსპერტიზის ეროვნული ბიუროში“ ან სხვა აკრედიტირებული ორგანიზაციაში შემოწმება. შემოწმებას უზრუნველყოფს მიმწოდებელი (მათ შორის ხარჯების ანაზღაურებას). ლაბორატორიული შემოწმების ოქმებში მითითებული მაჩვენებლებით უნდა დგინდებოდეს ხელშეკრულების ტექნიკური სპეციფიკაციით მოთხოვნილი მაჩვენებლები და პროდუქცია უნდა აკმაყოფილებდეს საქართველოში მოქმედი შესაბამისი სტანდარტებით განსაზღვრულ ხარისხის და უსაფრთხოების მაჩვენებლებს. თუ პროდუქტის შენახვის პირობებმა შესაძლოა გავლენა მოახდინოს კონკრეტული გამოცდის შედეგებზე, საქონლის ნიმუშის აღება უნდა განხორციელდეს პროდუქტის მიწოდების მომენტში. ასეთ შემთხვევაში, შემსყიდველი ორგანიზაცია უფლებამოსილია მოითხოვოს პროდუქციის შესაბამისობის შემოწმება კონკრეტულ თარიღში (საქონლის ვარგისიანობის ვადაში).

4. საქონლის მახასიათებლების შესახებ (რაოდენობა და ხარისხი)

4.1. მიმწოდებელი ვალდებულია მიწოდების დოკუმენტებში (ზედნაღები) მიუთითოს მისაწოდებელი საქონლის მახასიათებელი და ფასები წინამდებარე ხელშეკრულების დანართი N1-ის შესაბამისად.

4.2. მიწოდებული საქონლის მახასიათებელი და რაოდენობა უნდა შეესაბამებოდეს მიწოდების დოკუმენტში დაფიქსირებულს.

5. საქონლის მიღება-ჩაბარების წესი

5.1. საქონლის მიღებისას, შემსყიდველი შეამოწმებს საქონლის რაოდენობის, მახასიათებლისა და ხარისხის შესაბამისობას წარდგენილ დოკუმენტებთან მიმართებაში. მიწოდებული საქონლის ღირებულებისა და მიღების ფაქტი ფიქსირდება და დასტურდება საქართველოს კანონმდებლობით დადგენილი დოკუმენტებითა და შემსყიდველის წარმომადგენლის ხელმოწერით ზედნაღებზე ან/და ა/ფაქტურაზე ან/და მიღება-ჩაბარების აქტზე. „შემსყიდველი“ უფლებამოსილია არ მიიღოს საქონელი და არ მოაწეროს ხელი შესაბამის დოკუმენტს, თუკი საქონლის რაოდენობა და ხარისხი არ შეესაბამება მხარეთა შორის შეთანხმებულ პირობებს.

5.2. საქონლის მიღებას, შემოწმებას, ანგარიშსწორებას და მონაცემების შედარებას ახორციელებს შპს „სახელმწიფო კვებითი უზრუნველყოფა“-ს შესაბამისი უფლებამოსილი პირ(ებ)ი.

5.3. შემსყიდველი უფლებამოსილია განაცხადოს უარი უხარისხო (წყუნდებული) ან დაგვიანებით მიწოდებული საქონლის ნაწილის ან მთლიანი მოცულობის მიღებაზე.

5.4. მიმწოდებლის უფლებამოსილებას საქონლის გადაცემასთან, შემოწმებასთან, ანგარიშსწორებასთან და მონაცემების შედარებასთან დაკავშირებით, ახორციელებს მიმწოდებლის უფლებამოსილი თანამშრომელი (დისტრიბუტორი, ვაიზერი, მენეჯერი, ბუღალტერი და სხვა).

5.5. იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიმწოდებლის მხრიდან ვადის გადაცილებად.

6. ანგარიშსწორება

6.1. საქონლის ღირებულების ანგარიშსწორება განხორციელდება უნაღდო ანგარიშსწორების გზით მიმწოდებლის მიერ ფაქტიურად მიწოდებული საქონლის შესაბამისად, ეროვნულ ვალუტაში (ლარში).

6.2. ანგარიშსწორება მოხდება შემდეგი წესით: შემსყიდველი მიმწოდებელს გადაუხდის მიწოდებული საქონლის ღირებულებას სრულად, ფაქტობრივად მიწოდებიდან და შესაბამისი დოკუმენტაციის გაფორმებიდან 10 (ათი) სამუშაო დღის ვადაში.

6.3. თუკი 6.2. პუნქტში მოცემული ანგარიშსწორების დღე(ებ)ი ემთხვევა არასამუშაო დღე(ებ)ს, ანგარიშსწორება განხორციელდება მომდევნო სამუშაო დღეს.

6.4. მიწოდებული საქონლის ღირებულების და ოდენობის სადაოდ გახდომის შემთხვევაში, ძირითად საანგარიშო დოკუმენტს წარმოადგენს წინამდებარე ხელშეკრულება, „შემსყიდველის“ და „მიმწოდებლის“ ან მათი წარმომადგენლების მიერ ხელმოწერილი სასაქონლო ზედნაღები ან/და საგადასახადო ა/ფაქტურა ან/და მიღება-ჩაბარების აქტი და გადახდის დამადასტურებელი დოკუმენტები.

6.5. „შემსყიდველისა“ და „მიმწოდებელს“ შორის ანგარიშსწორებამდე 5 (ხუთი) დღით ადრე უნდა მოხდეს ბუღალტრული ურთიერთშედარების აქტის შედგენა.

7. ხელშეკრულების შესრულების კონტროლის შესახებ

7.1. ხელშეკრულების შესრულების კონტროლს განახორციელებს:

7.1.1. შპს „სახელმწიფო კვებითი უზრუნველყოფა“-ს ლოჯისტიკის დეპარტამენტის, კვების ორგანიზების და ტექნოლოგიის დეპარტამენტის უფროსი/თანამშრომელი ან/და დირექტორის მიერ გამოყოფილი შესაბამისი უფლებამოსილი პირი „მიწოდებელის“ მიერ მიწოდებული საქონლის სახეობის, ასორტიმენტის, შეფუთვის, ეტიკეტირების, ხარისხის კონტროლი, საქონლის ვარგისიანობის ვადა, მიწოდებული საქონლის რაოდენობა, მიწოდებული საქონლის ტექნიკური მახასიათებლების შეფასება შემოთავაზებულ პირობებთან.

7.1.2. შპს „სახელმწიფო კვებითი უზრუნველყოფა“-ს - ლოჯისტიკის დეპარტამენტის უფლებამოსილი თანამშრომელი - შეკვეთის მიცემისა და შესრულების ვადების, ასევე ხელშეკრულების სხვა პირობების კონტროლი.

7.1.3. შპს „სახელმწიფო კვებითი უზრუნველყოფა“-ს - ფინანსური აღრიცხვის დეპარტამენტის ან/და სახელმწიფო შესყიდვების დეპარტამენტის უფროსის ან მის მიერ უფლებამოსილი თანამშრომელი - მიწოდებული საქონლის ფასის შესაბამისობა ხელშეკრულებაში დაფიქსირებულ ფასთან.

7.1.4. კონტროლი ხორციელდება ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.

7.2. კონტროლის განხორციელების ადგილია: საქონლის მიწოდების ადგილი და სხვა ნებისმიერი ადგილი „შემსყიდველის“ არჩევანის მიხედვით.

8. ხელშეკრულების პირობების შეუსრულებლობა

8.1. მიწოდებლის მიერ ხელშეკრულების პირობების შეუსრულებლობის, არაჯეროვანი შესრულების ან/და დაგვიანებით შესრულების შემთხვევაში გამოიყენება, სანქციები, რომელთა ფორმა, ოდენობა, ამოქმედების პირობები განსაზღვრულია წინამდებარე ხელშეკრულებითა და შესაბამისი სატენდერო დოკუმენტაციით.

8.2. წინამდებარე ხელშეკრულებით გათვალისწინებული ვადების დარღვევის შემთხვევაში, თუ ვადის გადაცილება ეხება საქონლის ვადაგადაცილებით მიწოდებას (მათ შორის ხარვეზის ან/და ნაკლის გამოსწორების ვადა) შემსყიდველი უფლებამოსილია დააკისროს მიწოდებელს პირგასამტეხლო ყოველ ვადაგადაცილებულ დღეზე ვადაგადაცილებით მიწოდებული საქონლის ღირებულების 0,2%-ის ოდენობით, მაგრამ თითოეული ლოკაციისთვის არანაკლებ დღეში 20 (ოცი) ლარისა;

8.3. წინამდებარე ხელშეკრულებით გათვალისწინებული ანგარიშსწორების ვადის დარღვევის შემთხვევაში, მიწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე, მიწოდებლისათვის ჩასარიცხი თანხის 0,2%-ის ოდენობით.

8.4. წინამდებარე ხელშეკრულებით გათვალისწინებული ვალდებულების ნაწილობრივ შეუსრულებლობის შემთხვევაში, თუ ნაწილობრივი შეუსრულებლობა ეხება საქონლის მიწოდებლობას და შემსყიდველ ორგანიზაციას აღარ გააჩნია აღნიშნული საქონლის მიწოდების საჭიროება/ინტერესი, შემსყიდველი უფლებამოსილია დააკისროს მიწოდებელს პირგასამტეხლო შესასრულებელი ვალდებულების შესაბამისი ღირებულების 5%-ის ოდენობით, მაგრამ თითოეული ლოკაციისთვის არანაკლებ 50 (ორმოცდაათი) ლარი.

8.5. წინამდებარე ხელშეკრულებით გათვალისწინებული ვადების დარღვევის შემთხვევაში, თუ ვადის გადაცილება ეხება ლაბორატორიული დასკვნის/წერილის (გამოცდის ოქმით) წარმოდგენას, შემსყიდველი უფლებამოსილია დააკისროს მიწოდებელს პირგასამტეხლო, თითოეული პროდუქტისთვის, ყოველ ვადაგადაცილებულ დღეზე ხელშეკრულების ღირებულების 0,3%-ის ოდენობით.

8.5.1. თუ ლაბორატორიული დასკვნა/წერილი (გამოცდის ოქმით) წარმოდგენილია, მაგრამ არასრულყოფილია, თითოეული პროდუქტის თითოეულ პარამეტრზე, ყოველ ვადაგადაცილებულ დღეზე (ლაბორატორიული დასკვნის წარმოდგენამდე) ხელშეკრულების ღირებულების 0,05%-ის ოდენობით.

8.6. უარყოფითი ლაბორატორიული დასკვნის (უარყოფითად ჩაითვლება ლაბორატორიული დასკვნა, სადაც კვლევის ობიექტის (პროდუქტის) ნებისმიერი პარამეტრი/მონაცემი არ შეესაბამება საქართველოში მოქმედ კანონმდებლობას, სტანდარტებს, ან/და წინამდებარე ხელშეკრულებას) წარმოდგენის შემთხვევაში შემსყიდველი უფლებამოსილია პრეტენდენტს დააკისროს პირგასამტეხლო ხელშეკრულების ღირებულების 1%-ის ოდენობით, ხოლო თუ შეუსაბამობა ეხება ისეთ პარამეტრს/მონაცემს რომელმაც შესაძლებელია საფრთხე შეუქმნას ადამიანის სიცოცხლეს ან/და ჯანმრთელობას ხელშეკრულების ღირებულების 5%-ის ოდენობით. ასეთ შემთხვევაში, შემსყიდველი უფლებამოსილია მიმართოს სატენდერო კომისიას ხელშეკრულების შეწყვეტის თაობაზე, საკითხის გადაწყვეტის მიზნით.

8.7. წინამდებარე ხელშეკრულებით გათვალისწინებული საქონლის ტექნიკური აღწერილობით განსაზღვრული პარამეტრების დარღვევის შემთხვევაში, რომლის მიუხედავაც შემსყიდველი ორგანიზაცია მაინც მიიღებს აღნიშნულ პროდუქტს, იგი უფლებამოსილია დააჯარიმოს მიწოდებელი ტექნიკური პარამეტრების დარღვევით მიღებული საქონლის ღირებულების 5%-ის ოდენობით.

8.8. წინამდებარე ხელშეკრულებით გათვალისწინებული სხვა ვალდებულების ნაწილობრივ შეუსრულებლობის შემთხვევაში, მხარე უფლებამოსილია დააკისროს დამრღვევ მხარეს პირგასამტეხლო ხელშეკრულების ღირებულების 1%-ის ოდენობით.

8.9. თუ მიწოდებელი ხელშეკრულებით გათვალისწინებული საქონლის მიწოდების პირობებს ვერ შეასრულებს ან/და დაარღვევს კეთილსინდისიერების პრინციპს, შემსყიდველი უფლებამოსილია შეწყვიტოს წინამდებარე ხელშეკრულება და მიწოდებელი ხელშეკრულების არაჯეროვანი შესრულებისათვის/ შეუსრულებლობისთვის დააჯარიმოს ხელშეკრულების

საერთო თანხის 5%-ის ოდენობით, რისთვისაც შემსყიდველი უფლებამოსილია პირგასამტეხლო გამოქვითოს მიმწოდებლის მიერ მიწოდებული საქონლისთვის ასანაზღაურებელი ღირებულებიდან.

8.10. ჯარიმისა და პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9. ხელშეკრულების შესრულების შეფერხების შესახებ

9.1. თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებას, რომლის გამოც ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში, უნდა აცნობოს მეორე მხარეს თავისი გადაწყვეტილება ამ გარემოებებთან დაკავშირებით.

9.2. თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების შესახებ, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით. შეთანხმების შემთხვევაში გადავადებულ პერიოდზე მხარეს არ დაეკისრება პირგასამტეხლო.

10. ფორს-მაჟორი

10.1. ამ ხელშეკრულების მიზნებისათვის მხარეებს არ ეკისრებათ პასუხისმგებლობა ხელშეკრულების პირობების დარღვევისათვის ან თავისი ვალდებულებების არადროული შესრულებისათვის მთელი დროის განმავლობაში იმ გარემოებების გამო, რომლებიც წარმოიშობა მხარეთა ნებისაგან დამოუკიდებლად (დაუძლეველი ძალა). დაუძლეველი ძალის გარემოებებს მიეკუთვნება: სტიქიური უბედურებები, გადაულახავი ბუნებრივი მოვლენები, ომი და ა.შ. რაც დასტურდება შესაბამისი უფლებამოსილი ორგანოს მიერ.

10.2. მხარე, რომელიც მიუთითებს დაუძლეველ ძალაზე, ვალდებულია წერილობითი ფორმით ან ინფორმაციის ელ-ფოსტის, ტელეფონის ან ფაქსის გაგზავნით შეატყობინოს ამის შესახებ მეორე მხარეს.

10.3. მხარეები ვალდებული არიან უზრუნველყონ ხელშეკრულების მოქმედების გაგრძელება აღნიშნული გარემოებების მოქმედების შეწყვეტის მომენტიდან.

10.4. თუ დაუძლეველი ძალის მოქმედება გრძელდება 35 დღეზე მეტი ხნით, თითოეული მხარე უფლებამოსილია მოითხოვოს ხელშეკრულების შეწყვეტა, აღნიშნულის შესახებ მეორე მხარისათვის წერილობითი შეტყობინების გაგზავნის გზით.

11. ხელშეკრულების მოქმედების ვადა

წინამდებარე ხელშეკრულება ძალაში შედის 2022 წლის 01 აპრილიდან და მოქმედებს 2022 წლის 20 მაისის ჩათვლით.

12. სხვა პირობები

12.1. მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის წინამდებარე ხელშეკრულებისა და საქართველოს კანონმდებლობის შესაბამისად.

12.2. წინამდებარე ხელშეკრულებიდან გამომდინარე მხარეთა უფლებებთან და მოვალეობებთან დაკავშირებით გამოიყენება საქართველოს კანონმდებლობა.

12.3. „მხარეები“ ადასტურებენ, რომ „ხელშეკრულების“ შინაარსი ზუსტად გამოხატავს „მხარეთა“ ნებას და რომ მათ მიერ ნების გამოვლენა მოხდა „ხელშეკრულების“ შინაარსის გონივრული განსჯის შედეგად და არა მარტოდენ სიტყვა-სიტყვითი მნიშვნელობიდან.

12.4. წინამდებარე ხელშეკრულების დანართები წარმოადგენს ხელშეკრულების განუყოფელ ნაწილს და მოქმედებს მასთან ერთად.

12.5. ყოველი მხარე წერილობით ატყობინებს მეორე მხარეს იმ გარემოებების შესახებ, რომელთაც შეუძლიათ იქონიონ გავლენა მხარის მიერ თავისი ვალდებულებების შესრულებაზე: რეორგანიზაცია, რეკვიზიტების შეცვლა, გადახდისუუნარობა ან გადახდისუუნარობის ალბათობა, ლიცენზიის მოქმედების ვადის ამოწურვა და სხვა. მხარე, რომელიც არ ატყობინებს ან არადროულად ატყობინებს მეორე მხარეს წინამდებარე ხელშეკრულებით ნაკისრი ვალდებულებების შესრულების დამაბრკოლებელი გარემოებების შესახებ, ვალდებულია მეორე მხარეს აუნაზღაუროს ამასთან დაკავშირებით წარმოქმნილი ზარალი.

12.6. „ხელშეკრულების“ რომელიმე მუხლის, პუნქტის ან/და ქვეპუნქტის ბათილობა არ გამოიწვევს მთლიანად „ხელშეკრულების“ ან/და მისი სხვა ცალკეული მუხლის, პუნქტის ან/და ქვეპუნქტის ბათილობას. ბათილი დებულების ნაცვლად, გამოიყენება იმგვარი დებულება, რომლითაც უფრო ადვილად მიიღწევა „ხელშეკრულებით“ (მათ შორის ბათილი დებულებით) გათვალისწინებული მიზანი.

12.7. მხარეებს შეუძლიათ ხელშეკრულებაში შეიტანონ ცვლილებები და დამატებები, რომლებიც უფლებამოსილი პირების მიერ ხელმოწერის შემდეგ ხდება წინამდებარე ხელშეკრულების განუყოფელი ნაწილი და მოქმედებს მასთან ერთად.

- 12.8. იმ შემთხვევებში, როდესაც ეს ხელშეკრულება ავალდებულებს მხარეებს დაიცვან წერილობითი ფორმა, ეს ნიშნავს, რომ დოკუმენტები უნდა იყოს შედგენილი ქალაქში და ხელმოწერილი ამისათვის უფლებამოსილი პირების მიერ. სხვა შეტყობინებები შეიძლება გადაიცეს ელ. ფოსტის, ტელეფონის ან ფაქსის საშუალებით.
- 12.9. მხარეთა მიერ ელ.ფოსტით გაგზავნილ შეტყობინებას აქვს იურიდიული ძალა და სავალდებულოა შესასრულებლად. ელ.ფოსტაზე “შემსყიდველის“ მიერ წერილის/შეტყობინების მიღება უნდა დადასტურდეს ამავე ელ.ფოსტაზე შესაბამისი პასუხით.
- 12.10. „მიწოდებელი“ აცხადებს, რომ მის მიერ წარმოდგენილი მონაცემები, მათ შორის მისი რეკვიზიტები, სწორია.
- 12.11. მხარეები შეეცდებიან ყველა წარმოშობილი დავა და უთანხმოება გადაწყვიტონ ურთიერთ მოლაპარაკების გზით. იმ შემთხვევაში, თუ დავა არ გადაწყდება მისი წარმოშობიდან 30 დღის განმავლობაში, მხარეები იტოვებენ უფლებას თავიანთი ინტერესების დასაცავად მიმართონ საერთო სასამართლოებს.
- 12.12. პირველი ინსტანციის სასამართლოს გადაწყვეტილება „მხარეთა“ მიერ მისი გასაჩივრების მიუხედავად, დაუყოვნებლივ შედის ძალაში საქართველოს სამოქალაქო საპროცესო კოდექსის 268-ე მუხლის მე-11 პუნქტის შესაბამისად.
- 12.13. შემსყიდველის მხრიდან ხელშეკრულებაზე ხელის მომწერი პირი, ასევე ხელშეკრულების ვიზირებაზე ხელისმომწერი პირები, ვადასტურებთ, რომ არ ვიმყოფებით ინტერესთა კონფლიქტში ხელშეკრულებაში მითითებულ მომწოდებელთან სახელმწიფო შესყიდვების კანონის მე-8 მუხლის შესაბამისად.
- 12.14. წინამდებარე ხელშეკრულება მხარეთა მიერ ხელმოწერილია ელექტრონულად.

შემსყიდველი

მიმწოდებელი

შპს „სახელმწიფო კვებითი უზრუნველყოფა“-ს

შპს „ჯი-ეს“-ის

დირექტორი

დირექტორი

ალექსი ზანდარაშვილი

პაატა შენგელია

N	საქონლის დასახელება	წარმოების ქვეყანა / მწარმოებელი	განზ.	რაოდ.	ერთ. ფასი	ჯამი	მიწოდების ვადა	მიწოდების ადგილი
1	კარტოფილი სწორად დაჭრილი 9/9მმ (ფრი გაყინული 2.5კგ)	პოლონეთი -MACCAIN	კგ	700	4,90	3 430,00	ხელშეკრულების გაფორმებიდან 10 (ათი) სამუშაო დღის განმავლობაში.	დაბა ვაზიანი
სულ ჯამი დღგ-ს ჩათვლით (ლარი):						3 430,00		